



ՀՖՖ ՄՐՑԱՎԱՐՆԵՐԻ  
ԵՎ ՏԵՍՈՒՉՆԵՐԻ  
ՊԱՏԱՍԽԱՆԱՏՎՈՒԹՅԱՆ ՄԱՍԻՆ  
ԿԱՆՈՆԱԿԱՐԳ  
2020թ. խմբագրություն



## ԲՈՎԱՆԴԱԿՈՒԹՅՈՒՆ

ԳԼՈՒԽ 1.	ԸՆԴՀԱՆՈՒՐ ԴՐՈՒՅԹՆԵՐ .....	2
ԳԼՈՒԽ 2.	ՄՐՑԱՎԱՐՆԵՐԻ ԿՈՂՄԻՑ ԹՈՒՅԼ ՏՐՎԱԾ ԽԱԽՏՈՒՄՆԵՐԻ ՀԱՄԱՐ ԿԻՐԱՌՎՈՂ ԿԱՐԳԱՊԱՀԱԿԱՆ ՏՈՒՅԺԵՐԸ .....	3
ԳԼՈՒԽ 3.	ՏԵՍՈՒՉՆԵՐԻ ԿՈՂՄԻՑ ԹՈՒՅԼ ՏՐՎԱԾ ԽԱԽՏՈՒՄՆԵՐԻ ՀԱՄԱՐ ԿԻՐԱՌՎՈՂ ԿԱՐԳԱՊԱՀԱԿԱՆ ՏՈՒՅԺԵՐԸ .....	7
ԳԼՈՒԽ 4.	ԵԶՐԱՓԱԿԻՉ ԴՐՈՒՅԹՆԵՐ .....	10



## ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

**Հոդված 1.** Մրցավարների և տեսուչների պատասխանատվության մասին կանոնակարգի, այսուհետ՝ Կանոնակարգ, նպատակն է կանոնակարգել ՀՖՖ մրցավարների և տեսուչների կողմից, իրենց պարտականությունների կատարման ընթացքում, խաղի կանոնների, բարոյաէթիկական նորմերի և մրցումների կանոնակարգի խախտումների համար պատասխանատվության ենթակրկելու ընդհանուր սկզբունքները և պատասխանատվության չափերը:

**Հոդված 2.** Կանոնակարգի համաձայն կարգապահական պատասխանատվություն կիրառող մարմինը՝ ՀՖՖ Մրցավարական կոմիտեն է:

**Հոդված 3.** Սույն կանոնակարգի շրջանակներում ենթակա են կիրառման հետևյալ կարգապահական տույժերը.

- զգուշացում,
- նկատողություն,
- զրկում մրցավարությունից և/կամ տեսչությունից,
- ցածր խումբ փոխադրում
- որակազրկում

**Հոդված 4.** ՀՖՖ Մրցավարական կոմիտեն կարգապահական տույժեր կիրառելիս պետք է հաշվի առնի կատարված խախտման ծանրության աստիճանը, կատարման հանգամանքները, առաջացած հետևանքները, ինչպես նաև մրցավարի և տեսուչի կողմից նախկինում թույլ տրված խախտումները:



## ԳԼՈՒԽ 2. ՄՐՅԱՎԱՐՆԵՐԻ ԿՈՂՄԻՑ ԹՈՒՅԼ ՏՐՎԱԾ ԽԱԽՏՈՒՄՆԵՐԻ ՀԱՄԱՐ ԿԻՐԱՌՎՈՂ ԿԱՐԳԱՊԱՀԱԿԱՆ ՏՈՒՅԺԵՐԸ

Մրցավարների կողմից՝

**Հոդված 5.** Անհարգելի պատճառով խաղին չներկայանալու դեպքում.

- առաջին անգամ մրցավարությունից **գրկում** 6-ից 10 մրցափուլով բոլոր առաջնություններում (գրկման կեսը անցնելուց հետո թույլատրել սապասարկել մանկապատանեկան առաջնության խաղեր),
- երկրորդ անգամ մրցավարությունից **գրկում** մինչև 1 տարի ժամկետով:

**Հոդված 6.** Նախախաղային խորհրդակցությանը չներկայանալու կամ ուշանալու դեպքում.

- առաջին անգամ մրցավարությունից **գրկում** 1 մրցափուլ,
- երկրորդ անգամ մրցավարությունից **գրկում** մինչև 3 մրցափուլ,
- երրորդ անգամ մրցավարությունից **գրկում** մինչև 1 տարի ժամկետով:

**Հոդված 7.** Խաղին ոչ պատշաճ արտաքինով կամ սպորտային համազգեստով ներկայանալու դեպքում.

- առաջին անգամ մրցավարությունից **գրկում** 1 մրցափուլ,
- երկրորդ անգամ մրցավարությունից **գրկում** մինչև 3 մրցափուլ,
- երրորդ անգամ մրցավարությունից **գրկում** մինչև 1 տարի ժամկետով:

**Հոդված 8.** Տեսուչի բացակայության պայմաններում նրա (տեսուչի), կանոնակարգով սահմանված պարտականությունները չկատարելու դեպքում.

- առաջին անգամ մրցավարությունից **գրկում** 1 մրցափուլ,
- երկրորդ անգամ մրցավարությունից **գրկում** մինչև 3 մրցափուլ,



- երրորդ անգամ մրցավարությունից **զրկում** մինչև 1 տարի ժամկետով:

**Հոդված 9.** Խաղի արձանագրությունը ժամանակին ՀՖՖ չներկայացնելու դեպքում.

- առաջին անգամ հայտարարել նկատողություն,
- երկրորդ անգամ մրցավարությունից **զրկում** 1-ից 3 մրցափուլով,
- երրորդ անգամ մրցավարությունից **զրկում** մինչև 1 տարի ժամկետով:

**Հոդված 10.** Արձանագրությունը ջնջումներով, անհասկանալի ձևակերպումներով ու սխալներով ՀՖՖ ներկայացնելու դեպքում.

- առաջին անգամ նկատողություն հայտարարում,
- երկրորդ անգամ մրցավարությունից **զրկում** 1-ից 3 մրցափուլով,
- երրորդ անգամ մրցավարությունից **զրկում** մինչև 1 տարի ժամկետով:

**Հոդված 11.** Արձանագրությունում կեղծ տեղեկություն գրանցելու կամ եղածը թաքցնելու (չգրանցելու) համար.

- մրցավարությունից **զրկում** 1 տարի ժամկետով կամ որակազրկում 5 տարի ժամկետով:

**Հոդված 12.** Մրցավարի, օգնականի, 4-րդ պաշտոնյայի, «թույլ» (8.0-8.2) գնահատական ստանալու դեպքում.

- առաջին անգամ նկատողության հայտարարում,
- երկրորդ անգամ մրցավարությունից **զրկում** 1 մրցափուլ,
- երրորդ անգամ մրցավարությունից **զրկում**, որպես մրցավար (օգնական, 4-րդ պաշտոնյա ըստ այն պրոֆիլի, որում նա ստացել է այդ գնահատականը) տվյալ և ավելի բարձր պրոֆիլում 2 մրցափուլ (որից 1 մրցափուլ բոլոր առաջնություններում, մյուս մրցափուլերում թույլատրել սպասարկել ավելի ցածր մակարդակի առաջնություններ)
- չորրորդ անգամ մրցավարությունից **զրկում**, որպես մրցավար



(օգնական, 4-րդ պաշտոնյա ըստ այն պրոֆիլի, որում նա ստացել է այդ գնահատականը) տվյալ և ավելի բարձր պրոֆիլում 4 մրցափուլ (որից 2 մրցափուլ բոլոր առաջնություններում, մյուս 2 մրցափուլերում թույլատրել սպասարկել ավելի ցածր մակարդակի առաջնություններ) այնուհետև տեղափոխել ավելի ցածր խումբ:

**Հոդված 13.** Մրցավարի, օգնականի, 4-րդ պաշտոնյայի “անբավարար” (7.9-7.8) գնահատական ստանալու դեպքում մրցավարությունից **զրկում** տվյալ և ավելի բարձր խմբերում.

- առաջին անգամ 1-ից 3 մրցափուլ (որից 1 մրցափուլ բոլոր առաջնություններում, զրկման մյուս մրցափուլերում թույլատրել սպասարկել ավելի ցածր մակարդակի առաջնություններ),
- երկրորդ անգամ 2-ից 4 մրցափուլ (որից 2 մրցափուլ բոլոր առաջնություններում, զրկման մյուս մրցափուլերում թույլատրել սպասարկել ավելի ցածր մակարդակի առաջնություններ),
- երրորդ անգամ 5 մրցափուլով (որից 3 մրցափուլ բոլոր առաջնություններում, զրկման մյուս 2 մրցափուլերում թույլատրել սպասարկել ավելի ցածր մակարդակի առաջնություններ),
- չորրորդ անգամ 5 մրցափուլով բոլոր առաջնություններում՝ այնուհետև տեղափոխելով ավելի ցածր խումբ:

**Հոդված 14.** Մրցավարի, օգնականի, 4-րդ պաշտոնյայի “անբավարար” (7.7 և ցածր) գնահատական ստանալու դեպքում մրցավարությունից **զրկում** տվյալ և ավելի բարձր խմբերում.

- առաջին անգամ 2-ից 4 մրցափուլ (որից 2 մրցափուլ բոլոր առաջնություններում, զրկման մյուս մրցափուլերում թույլատրել սպասարկել ավելի ցածր մակարդակի առաջնություններ),
- երկրորդ անգամ 5 մրցափուլ (որից 3 մրցափուլ բոլոր առաջնություններում, զրկման մյուս 2 մրցափուլերում



թույլատրել սպասարկել ավելի ցածր մակարդակի առաջնություններ),

- երրորդ անգամ  
5 մրցափուլից մինչև մրցաշրջանի ավարտը՝ այնուհետև տեղափոխելով ավելի ցածր խումբ:

**Հոդված 15.** Մրցավարի, օգնականի, 4-րդ պաշտոնյայի երկրորդ անգամ “անբավարար” գնահատական ստանալու դեպքում (որոնցից մեկը 7.9-7.8, մյուսը՝ 7.7 և ցածր) մրցավարությունից **զրկում** տվյալ և ավելի բարձր խմբերում.

- 3-ից 5 մրցափուլ:

**Հոդված 16.** Ֆիզիկական պատրաստվածության և տեսական քննությունները տրված երկրորդ հնարավորությունից հետո չհանձնելու դեպքում.

- Մրցավարությունից **զրկում** 6 ամսով



### ԳԼՈՒԽ 3. ՏԵՍՈՒՉՆԵՐԻ ԿՈՂՄԻՑ ԹՈՒՅԼ ՏՐՎԱԾ ԽԱԽՏՈՒՄՆԵՐԻ ՀԱՄԱՐ ԿԻՐԱՌՎՈՂ ԿԱՐԳԱՊԱՀԱԿԱՆ ՏՈՒՅԺԵՐԸ

#### Տեսուչներին կողմից՝

**Հոդված 17.** Անհարգելի պատճառով նախախաղային խորհրդակցությունից ուշանալու կամ խորհրդակցությունն ուշ անցկացնելու դեպքում՝ տեսչությունից **զրկում**.

- առաջին անգամ մինչև 3 մրցափուլ,
- երկրորդ անգամ 3-ից մինչև 6 մրցափուլ,
- երրորդ անգամ մինչև առաջնության ավարտը:

**Հոդված 18.** Անհարգելի պատճառով նախախաղային խորհրդակցությանը չներկայանալու դեպքում՝ տեսչությունից **զրկում**.

- առաջին անգամ մինչև 5 մրցափուլ,
- երկրորդ անգամ 6 մրցափուլից մինչև առաջնության ավարտը:

**Հոդված 19.** Անհարգելի պատճառով տեսչությանը չներկայանալու դեպքում՝ տեսչությունից **զրկում**.

- առաջին անգամ 6-10 մրցափուլ,
- երկրորդ անգամ մինչև 1 տարի ժամկետով:

**Հոդված 20.** Տեսչական զեկուցագրի ներկայացման ժամկետներն անհարգելի պատճառով խախտելու դեպքում.

- առաջին անգամ հայտարարել նկատողություն,
- երկրորդ անգամ տեսչությունից **զրկում** 1-ից 3 մրցափուլ,





- երրորդ անգամ տեսչությունից **զրկում** մինչև 1 տարի ժամկետով:

**Հոդված 21.** Մարզադաշտից սահմանված ժամկետից շուտ հեռանալու դեպքում՝ տեսչությունից **զրկում**.

- առաջին անգամ մինչև 4 մրցափուլ,
- երկրորդ անգամ մինչև առաջնության ավարտը կամ 1 տարով:

**Հոդված 22.** Մրցավարների, պաշտոնական անձանց վրա խաղի կանխորոշման նպատակով ներգործության դեպքում.

- Ցմահ որակազրկում:

**Հոդված 23.** Մրցավարների կամ տեսուչի վրա ներգործության փորձերը թաքցնելու, խեղաթյուրելու կամ մեղմացնելու դեպքում (անկախ նրանից թե երբ է տեղի ունեցել՝ նախորոք, խաղի ժամանակ, թե խաղից հետո).

- Որակազրկում 1 տարի ժամկետով:

**Հոդված 24.** Մասսայական լրատվամիջոցներին խաղի մրցավարության, առանձին դրվագների գնահատման և այլ տեղեկություններ հաղորդելու դեպքում.

- առաջին անգամ տեսչությունից **զրկում** մինչև 10 մրցափուլ
- երկրորդ անգամ տեսչությունից **զրկում** մինչև առաջնության ավարտը կամ 1 տարով:

**Հոդված 25.** Տեսչական զեկուցագրի անուշադիր, անփույթ լրացման դեպքում.

- առաջին անգամ նկատողության հայտարարում,
- երկրորդ անգամ տեսչությունից **զրկում** 1-ից 3 մրցափուլ,
- երրորդ անգամ տեսչությունից **զրկում** մինչև 1 տարի ժամկետով:



**Հոդված 26.** Մրցավարների գնահատման վերաբերյալ սահմանված մեթոդական ցուցումների պահանջները չկատարելու դեպքում.

- առաջին անգամ նկատողության հայտարարում,
- երկրորդ անգամ տեսչությունից **զրկում** 1-ից 3 մրցափուլ,
- երրորդ անգամ տեսչությունից **զրկում** մինչև առաջնության ավարտը կամ մինչև 1 տարի ժամկետով:

**Հոդված 27.** Մրցավարական խմբի անդամներին անհիմն սխալ գնահատելու դեպքում (հաստատված ՀՖՖ Մրցավարական կոմիտեի որոշմամբ, որի համար հիմք է ծառայել փորձադիտարկման հանձնաժողովի եզրակացությունը) տեսչությունից **զրկում**.

- առաջին անգամ մինչև 3 մրցափուլ,
- երկրորդ անգամ մինչև 5 մրցափուլ,
- երրորդ անգամ մինչև 1 տարի ժամկետով:

**Հոդված 28.** Տեսչական աշխատանքների ընթացքում վարքի համընդհանուր կանոնների խախտման, որևէ լրացուցիչ ծառայությունների կամ ուշադրության պահանջի դեպքում.

- **զրկում** մինչև առաջնության ավարտը կամ 1 տարի ժամկետով:



## ԳԼՈՒԽ 4. ԵԶՐԱՓՈՒԿ ԴՐՈՒՅԹՆԵՐ

- Հոդված 29.** Եթե մրցավարի և/կամ տեսուչի համար սահմանված պատժի ժամկետը չի վերջանում տվյալ մրցաշրջանում, ապա պատիժը շարունակվում է հաջորդ մրցաշրջանում:
- Հոդված 30.** Մրցավարական և/կամ տեսչական աշխատանքի հետ կապված բոլոր որոշումները գրանցվում են մրցավարի և/կամ տեսուչի անձնական քարտում:
- Հոդված 31.** Առաջնության ընթացքում 3 անգամ զրկված տեսուչը մեխանիկորեն զրկվում է տեսչության իրավունքից մինչև առաջնության ավարտը:
- Հոդված 32.** Տեսուչի զրկման ժամանակահատվածում նրա գործունեությունը դադարում է բոլոր խմբերում (բացի մանկապատանեկան և պատանեկան առաջնություններում):
- Հոդված 33.** ՀՖՖ Մրցավարական կոմիտեն իրավասու է նաև քննարկել սույն կանոնակարգում չնշված այլ խախտումներ և կիրառել պատժամիջոցներ իրավունքի, արդարության և ազնվության սկզբունքների հիման վրա:
- Հոդված 34.** ՀՖՖ Մրցավարական կոմիտեն իրավասու է մրցավարությունից և/կամ տեսչությունից զրկելու հետ կապված կարգապահական տույժեր նշանակելու դեպքում որոշում կայացնել նշանակված կարգապահական տույժը պայմանականորեն չկիրառելու մասին՝ որպես փորձաշրջան սահմանելով նշանակված տույժի ժամկետի առնվազն 1/2-ը: Նշանակված փորձաշրջանի ընթացքում նոր կարգապահական խախտում թույլ տալու դեպքում պայմանական չկիրառված մասը ենթակա է գումարման



կարգապահական նոր տույժին:

- Հոդված 35.** ՀՖՖ Մրցավարական կոմիտեի որոշումները կարող են վերանայվել ՀՖՖ Նախագահի կողմից:
- Հոդված 36.** Սույն կանոնակարգը հաստատվել է ՀՖՖ Գործադիր կոմիտեի կողմից 11 դեկտեմբերի 2020թ.-ին և ուժի մեջ է մտնում հաստատման պահից: